

十二年六月初一日前該奉

聖旨是欽此欽遵外令署郎中毛泰又奏要行刑部都

察院順天永平二府所屬并盧龍二衛所屬罪  
囚照依所擬運糧係干急缺只合從宜合無  
依擬施行其要將遼東地方罪囚令於遼陽  
城六倉閘米運去東州饒陽清河驪場馬糧  
軍五堡備用亦合准擬行移本官會同巡撫  
巡按都布按三司管糧等官徑自定擬則例  
施行

囚人贖罪米穀於本處預備倉上納

成化二十一年二月十二日戶部尚書殷等具題

該監察御史孫升奏查得成化二十一年正月初七日欽奉

詔書內一款軍衛有司預備倉糧有例見行官吏人等奉  
行不至多無成效今後軍衛每一百戶所有司每一里務要  
措置或勸借等項各以二十石為額驗時豐歉散  
年終常要將額數收除實在數目開奏有能多積至  
一半或兩部量加旌擢巡按分巡分守官員時常往來  
督理欽此欽遵竊惟預備倉專為備荒奈何各該有司  
視為末務平日不能預為措置及遇荒年倉無粒糶  
往往坐視民患而死見今山西河南陝西已有民驗  
又況奉有前項

詔書多有區畫正此時今南京工部要將囚人贖罪米折

收銀兩解部支用雖折銀小料在工部固非為私而積粟  
備荒依時務能所當急其衛史孫弁所言誠為至  
當合無准議除巡撫巡按官間過南京工部囚人照例送  
南京工部納料外各衙門間過囚人贖罪米谷行移都  
察院轉行巡撫巡按及類行直隸府州縣照例送本處  
預備倉上納收貯以備賑濟仍行南京將見缺料價另行從長  
處置奉

聖旨是欽此

南京兩法司納料做工囚犯按季造冊送南京工料註銷

弘治元年四月十二日差官屬以清工料照得本部浙  
江等十三清吏司每年間過雜犯死罪以上一應  
囚犯審有力并無力者俱照例送南京工部各照徒  
杖納粮料豪滑之徒包攬因循年久並無查考中間

保安其絕無奸弊而尽得實用就合無今後本部各司  
問該前項囚徒俱送本部四川清吏司摠立文案轉  
送該部納料做工待其完滿仍送後司轉行原問司分  
完結每遇年終駐該部委公正官一員吊取各該文  
卷逐一查考原送過納料做工犯人名數其收  
過料銀若要見買過何等料物估計時值是否相應  
編發做工者要見做過何等工程扣日算工有無虛  
詐務要親詣所在從公查究具由回報該司完銷中  
間若有虛計情弊將有罪人員奏送問罪發落仍具數造冊  
奏繳以備查考

前件查得本部見行事例各司逐日問過斬絞徒  
杖笞罪軍運磚運灰做工囚犯俱送工部該司  
交撥本部各司每初一起至月終止備將清吏司